



ლიბერალი 6 წლისაა

19.05.2015

„მზრუნავი კარი“ ენერგეტიკის სამინისტროში - „მწვანე ალტერნატივის“ კვლევის შედეგები

ახალი ამბები



„ლიბერალი“

შეუერთდი განხილვას

„ბუნებრივი რესურსების მართვა და ელიტური კორუფციის ხელშემწყობი ფაქტორები“ - „მწვანე ალტერნატივის“ ამ კვლევაში ყურადღება გამახვილებულია ენერგეტიკული კომპანიებისა და სახელმწიფო უწყებების ხელმძღვანელ თანამდებობებზე ერთი და იმავე პირების გადაადგილების შესახებ.

კვლევაში აღნიშნულია, რომ ენერგეტიკისა და ბუნებრივი რესურსების მინისტრის მოადგილე (2011-2012 წლებში) გიორგი ყაველაშვილი შპს „კალა კაპიტალისა“ და შპს „არსენალ დეველოპმენტის“ ფინანსური დირექტორი იყო (კახა კალაძის კომპანიები).

ენერგეტიკისა და ბუნებრივი რესურსების მინისტრის თანამდებობაზე კახა კალაძის დანიშვნის შემდეგ გიორგი ყაველაშვილმა მინისტრის მოადგილის თანამდებობა დატოვა. სამაგიეროდ, კახა კალაძის მინისტრობისას მინისტრის მოადგილის თანამდებობა შეინარჩუნა მარიამ ვალიშვილმა, რომელიც ასევე მუშაობდა კალაძესთან დაკავშირებულ კომპანიებში. ის იყო შპს „Kala energy and natural resources“ ენერგეტიკული ჯგუფის ხელმძღვანელი და სს „საქჰიდრომშენის“ გენერალური დირექტორი.

რაც ყველაზე საინტერესოა, მეწარმეთა და არასამეწარმეო (არაკომერციულ) იურიდიულ პირთა რეესტრის მონაცემების მიხედვით, მარიამ ვალიშვილი 2008-დან 2012 წლამდე მინისტრის მოადგილეობის პარალელურად, ითავსებდა შპს „TOT ენერჯის“ დირექტორის თანამდებობას (კომპანია, რომელშიც ასევე ჰქონდა წილი კახა კალაძეს). ხელისუფლებაში მოსვლისთანავე კახა კალაძემ მოადგილედ კიდევ ერთი თავისი საქმიანი პარტნიორი დანიშნა – გია ქავთარაძე, თუმცა ის, მარიამ ვალიშვილისგან განსხვავებით, მალევე გადადგა, სოციალურ ქსელებსა და მედიაში არასამთავრობო ორგანიზაციების („მწვანე ალტერნატივა“, „საერთაშორისო გამჭვირვალობა-საქართველო“) მიერ ინტერესთა კონფლიქტში დადანაშაულების საპასუხოდ.

ამასთან, კვლევაში ნახსენებია კალაძის მოადგილე ირაკლი ხმალაძე, რომელიც „ნაციონალური მოძრაობის“ მთავრობის ენერგეტიკისა და ბუნებრივი რესურსების სამინისტროში იურიდიული დეპარტამენტს ხელმძღვანელობდა.

„მართალია, 2012 წლის საპარლამენტო არჩევნების შედეგად მოსულმა ხელისუფლებამ, პრაქტიკულად, ყველა ჩამოთვლილი ნორმატიული აქტი გააუქმა, მაგრამ ამას სამწუხაროდ, არ მიეცა არც სათანადო პოლიტიკური და არც სამართლებრივი შეფასება, ხოლო ირაკლი ხმალაძე დაწინაურდა და ენერგეტიკის მინისტრის მოადგილედ დანიშნა. ენერგეტიკის სამინისტროში იურიდიული დეპარტამენტის ხელმძღვანელის თანამდებობა კი ზაზა ნანობაშვილმა დაიკავა, რომელიც წინა მთავრობის კანცელარიაში იურიდიულ სამსახურს განაგებდა და შესაბამისად, ყველა ის გადაწყვეტილება, რომელსაც „ქართული ოცნება“ ცოდვად უთვლიდა წინა მთავრობას, უშუალოდ მისი ვიზირებით მიიღებოდა. აღნიშნულის გათვალისწინებით გასაკვირი არ არის, რომ 2012 წლის ოქტომბრის არჩევნების შემდგომაც გაგრძელდა, დაუსაბუთებელი „საზოგადოებრივი და სახელმწიფო ინტერესების“ მომიზეზებით, კერძო პირების/კომპანიების მამებელი აქტების შემუშავების ტრადიცია. ზემოხსენებული საყდრისის შემთხვევასთან ერთად, ამის ნათელი მაგალითია თურქული კომპანია „აჭარენერჯი 2007“-ის მოთხოვნით „საქართველოს ტერიტორიაზე ნარჩენების ტრანზიტისა და იმპორტის შესახებ“ საქართველოს კანონში ცვლილებებისა და დამატებების შეტანა, რომლის თანახმად, დაშვებული იქნა საქართველოს ტერიტორიაზე თბოელექტროსადგურების ნარჩენი აქროლადი და მძიმე ნაცრის შემოტანა⁶². პარლამენტში და საჯარო განხილვებზე ამ კანონპროექტის დაცვა სწორედ ირაკლი ხმალაძეს მიანდო საქართველოს მთავრობამ. მიუხედავად გარემოსდაცვითი

ორგანიზაციებისა და საპარლამენტო უმრავლესობის დეპუტატების ნაწილის წინააღმდეგობისა, ენერგეტიკის სამინისტრომ მაინც შეძლო პარლამენტში საკმარისი რაოდენობის ხმების მოპოვება", - ვკითხულობთ კვლევაში.

კვლევის ანგარიში ფონდი „ღია საზოგადოება საქართველოს“ მხაერდამჭერი პროექტის ფარგლებში მომზადდა, რომლის მიზანი ელიტური კორუფციისა და ბიზნესზე სახელმწიფო ზეწოლის შემთხვევების გამოვლენას ისახავდა.



Add a comment...

Also post on Facebook

Posting as **Natalia Ksovreli** ▾ [Comment](#)

Facebook social plugin



გენდერული თანასწორობის ჯილდო 2015

1 თბილისის საერთაშორისო ლიტერატურული ფესტივალი
Tbilisi International Festival Of Literature

